

# Nuorttanaste

»Gæca dam Ibmel labba,  
gutte mailme suddo guodda!«

»Son dagai rafhe su ruosa  
varai bokte.«

No. 11.

Sad jakkegærdde.

»Nuorttanaste« maksa ovta kruvna jakkodagast, blaðde dinggujuvvu juokke poastarappe lutte.

15ad Juni 1906.

»Nuorttanaste« olgusboatta guovte gærde manost — dam 15ad ja dam 30ad bæive juokke manost.

## Profet Daniel.

(Okta D. L. Moody sarnin).

Lasse oudeb nummari.

Dast mannel gullap mi, atte gonagas Nebukadnesar dagai gova gollest, dam allodak læi 60 alan, dam govddodak 6 alan, ja son bajaseggi dam Dura vuobmai Babel ædnami, ja son vuolgati sane čokkim varast satrapaid, valdegodde čuožžotegjid ja ædnamhærraid, oavveduobmarid, davervurkudegjid, lakkaoppavažaid, duobmarid ja buok ædnami ammatolbmaid, vai si boadače dam gova vihatačmai. Vuoi dadde maggar stuora čoačgalmas dam idet! Gibe dam idet i vuogjam Dura vuobmai. Buok stuorak ja riggak galgge dokko čoačganet. Trompeta čuočja, ja čuorvvo čuorvoi alla jienain: »Lekus dat digjidi celkkujuvvum, di albmugak, sokkagoddek ja gielak. Dam aige, go di gullabetet dorve, bocceflöita, sitara, harpa, saltara ja sækkanjurganasa ja buok lagaš strænggačuočjanasai jiena, de galggabetet di luoittadet vuolas ja rokkadallat dam gollegova, maid gonagas Nebukadnesar læ bajaseggim. Ja gutte i luoittad vuolas ja rokkadalla, son galgga dammanaga bođđost balkestuvvut gasko dam buolle dolla-oamana.

Dast i muittaluvvu, gost Daniel dam aige læi. Daidi son læm jottemen soames baikest, daihe daidi dat nuft læm, atte son fria valddujuvvui boatemest dam vihatačmai. Dat læ goit visses, atte Daniel i læm dam baikest.

### Sadrak ja su vielljaguimek.

Go njurguk ja čuočjanasak čuočjagotte gonagasa goččoma mielde, de Babylon stuora ja famolaš olbmak

sogjalatte ječaidæsek æppeibmel gova oudast, mutto golmas legje, gæk æi sogjalattam čibbidæsek. Dak legje Daniel golbma usteba, guđek dite, atte dat gonagas goččom læi Ibmel laga vuostai, ja si æi sogjalattam ječasek duon gova oudast. Si botte galle vihatačmai, nuftgo gonagas læi goččom. Ja dat i læm sist mikkege boasto dagoid; mutto čibbidæsek si fal æi sogjalattam. Si dovde dam Ibmel bakkoma: »Æi dust galga læt æra Ibmelak go mon.«

Dam lagan halvvačlegjid sitta Ibmel — daggar olbmaid, guđek ævtodatolažat alma balotaga mannek soattai su oudast. Nuftgo buok æra Hærra halvvačlegjen legje maidai dam golma Judalažast vašalažak. Babylonast legje vissaset galle dak, gæk vaše ja gadašvuoda gudde dam golma olbma vuostai, go si oidne sin stuoreb arvost adnujuvvumen go ječasek. Ja jakkemest læ, atte dak golbma Judalaža burist faktijuvvujegje. Jos Kaldealažak lifči sogjalattam muođidæsek ædnam vuostai, de si æi lifči mattam oaidnet, atte duot golmas čuožžu; mutto si oidne, atte Daniel ustebak æi sogjalattam ječaidæsek, ige læm ouddal vihatačme gærggam, ouddalgo gonagas dieđo oažoi dam birra. Buorastatem: »Elus gonagas agalažat,« darkkelet vuttivalddujuvvui, ja dasto muittalegje si dai doattalmættom Judalažai birra, guđek æi jægadam su goččoma.

### Oskaldasvuotta Ibmel vuostai.

De dolvvujuvvujegje Sadrak, Mesak ja Abed-Nego gonagasa ouddi, ja sist jerrujuvvui: Manne si æi gudnejatte gonagasa Ibmela, ja manne si æi gudnejattam su gova. Olbmak vastedegje, atte si æi læk gal rokkadallam govvi, ja gonagas, gutte muiti

atte dak golbma Ebrealaža legje Daniel ustebak, aigoi mielastes æra gæino sigjidi ravastet.

Dak suorgatusak, maiguim gonagas aittali æi bældam sin; dastgo Sadrak vastedi: »Gæca, min Ibmel, gæn mi halvvačep læ famolaš min gagjot dam buolle dolla-oammanest. Æi si cækkam, atte Ibmel dam aigoi dakkat, mutto atte son læi famolaš gagjot sin, jos dat læi sudnji gudnen ja sigjidi buorren.

Mutto gollegovai si fal biettalegje rokkadallamest. Si æi ballam galle vuolggemest Dura vuomest Kanaan ædnami. Sist læi roakkadvuotta. Jogoson min baikin dam aige gavdnušegje golbma daggar rokkis olbma? Jos mist lifči soames daggar olbma, de mon jakam, atte mi boadašæimek oaidnet vebaš mastge.

Min aige lifči vissa daggar olbmak goččujuvvum jallan. Vissa lifči soames addam sigjidi dam rađe, atte si lifči ožžom čibbidæsek olgoldasad sogjalattet, go fal sin vaibmo i læm mielde; mutto dak olbmak æi lifči gal dam rađe mielde dakkam. Roakkadet si vastedegje: »Dat lekus dudnji dieđetuvvum, o gonagas, atte mi æp gudnejatte du ibmelid čepge rokkadalla dam gollegovvi, maid don læk bajaseggim.«

Gæcad dal duon gonagasa, son doargesta moarest, su muođok šovkodek dego jabmest, ja son čurve: »Maid? Duostabetetgo di doattalmættomvuoda mu vuostai čajetet, mon gutte læm dat stuora ja famolaš Babylon gonagas! Čadnet julgid ja gieđaid daina olbmain! Dakket oamman čieča gærde bakkasæbbo go davalazažat ja suppijeket sin dokko!« Si valde dam golbma olbma ja čadne sin giddalagaid, ja de suppijegje si

dam hirbmos dolla-ašoi, mi læi nuft bakas, atte dak olbmak, guðek sin sisabalkestegje, bulle jamas. Gonagas læi čokkanam su stuolos ala gæččat go dak vuostehagolažak bullek. Mutto maid oaidna son? Son suorggani, ja mi lokkap Daniel girje 3ad kapitalest 24ad vørsast: »Gonagas Nebukadnesar čuožželi hoapost bajas ja celki su rađđehærraidasas: Æpgo mi balkestam golbma olbma čadnagasast dola gasko? Si vastedegje ja celkke gonagassi vissasi, o gonagas! Gæča, mon oainam 4 olbma, guðek vazzek luovos dola gasko, ja i læk mikkege vahagid oaidnet sist, ja dam njæljada habme læ muttom Ibmel barne lakasaš.«

Mu vaibmoi dakka buore dat jurda, atte bærgalak gæččalusaid ja givsid bokte satta dušše čadnagasaid eritboaldet Ibmela manain. Jos Kristus læ min mielde de dat buok bahamus likkotesvuotta i sate ærago min ædnamlas badid čovvdet, ja min frian dakkat. Imaslas dingaid oažoi Nebukadnesar oaidnet dam aige. Dola gasko oaidna 4 olbma vazzasæme, vaiko son dušše golbma sisasuppi, ja dam njæljad hame, lokka son læt, muttom Ibmel barne lakasažžan.

Mast didi gonagas, atte dat njæljad læi Ibmel barne lagan? Alma vissa læ læmas juoga æmbo go olmušlas habme dam njæljadest — juoga ibmellaš daihe almalaš habme læ dat læmas, go juo dat bakenlaš gonagas nuft fertti dagjat. Okta čalbme læi, mi oini, atte su oskaldas duođastegjid legje, boaldemen, ja Palæstina stuora savcai baiman niejai vuolas su hærvasvuodastes ja bođi sin suogjalet onddalgo dola bakasvuotta sin ragjai olli.

De guorrasi dasto gonagas, atte si legje dam cælle Ibmel balvvalægjek ja ravkai sin ouddanboattet, ja si bôte olgus dolla ommanest, ige læm dolla maidege vahaga sigjidi dakkam. Mon oroin oaidnemen moft ædnamhærrak, oaivveduobmarak ja buokak čoaččanegje sin birra dam oainatusa gæččadet. Si ferttigegje imaštallat go oidne, atte i læm vuoktačalbuege sin oaivest guorbham.

Nebukadnesar dasto sardnoođi ja celki: »Maidnujuvvum lekus Sadrak, Mesak ja Abed-Nego Ibmel, gutte vuolgati su engelides ja gajoi balvvalægjides, guðek dorvastegje su ala«

j. n. v. ja de addi son dam goččoma atte dat juokke albmugest, sokkagoddest ja gielast, gutte sardnomes dafhost rikko Sadrak, Mesak ja Abed-Nego Ibmela vuostai, galgga moallon čuopaduvvut ja su viesso dakkujuvvut mukkeduvdnen, dađemielde go i læk oktage æra Ibmel, gutte nuft vægja bæstet.

Ja mannel alede son dam 3 olbma vel stuoreb ammatidi. Ibmel doalai sist gidda, damditi go si legjesust doallam gidda. Son sitta, atte mi galggap oappat juoga dakkat, damditi go dat læ riektä; mutto i damditi, go dat migjidi gudne bukta. Vaiko vanhurskesvuoda gæino čajetifci migjidi visses jabmemen, de mi dam mielde almaken galggap mannat, ja Ibmel ješ læ loppedam min bahast varjalet.

Lasetuvvu.

## || Gukken ja lakka. ||

Ale vækket mu stemmaid vuottet datod bagjel.

Logus noaddeguodde vieljaidi oarjen ja nuorttan.

Dam našotes ja betolaš valgga aiges, læk ædnagak, sikke buoreb ja hæjeb addejumin čallam stuoradigge jurdagidesek Same blađi ala, maidai Sami gaskastge, soabmasak vuoiggadlaš ulmest, mutto æi buokak. Dastgo mon jakam, atte cænaš sist, guðek gilvos dobmet stuoradiggai, i læk rokisvuoda oudastmoraš noaddeguoddi oudast; mutto gudne hallo ja rutta hanesvuotta læ bigjam matkai. Sist læ dušše guokte jurddak daihe savaldaga:

1. Vare Sabmelaš stuoradiggai.

2. Vare Isak Saba stuoradiggai.

Si læk bænta ruovtogæde barggek datosek vuostai barggat. Dat las savaldak, vare Sabmelaš stuoradiggai, læ gal vuogas savaldak; mutto i almaka dat buoremus mi daša gulla. Dastgo Samek æi læk mange lakai buoreb našsonasek suogjalægjek go æra našsonak. Samek mattek maidai našsonasek njielastet oktan oivin dego silde, æige oažo maidege čovjebakčasiđ, ja damditi boatta dat dal aido ovtaidi, jogo læ Sabmelaš vai Dača. Dam vuostai divom mon ouddamčerkkan darolažai. Dam bæive rajest go

Norga stuoradigge vuostas gærde bođi čoačkai gidda dam bæive ragjai, læ læmas juokke okta stuoradiggeolmai aive čielgga Dača; mutto almaka læk Darolaš noaddeguoddek noađe ja bakčäs vuolde šuokkemim oktan minguim vela odna dam bæivege.

2. Vare Isak Saba stuoradiggai. Dat læ aibas du ječad dato vuostai. Dat, atte stemmit skuvlaolbma, i læk dat sæmma atte dorjet noaddeguodde, mutto atte hæggas bisotet storkarvuoina, aido nu moft I. M. Altavuonast čalla »Sagai Muittalægjai« no. 8, vaiko vuostaičuožžo viggata bača haja ja čappes gokčäs su čallag ala; mutto vehabai duost, dast mi aido bæssap gullat, maid Sabmelaš skuvllaolmai Dača biktasid siste dagja noaddeguodde Sabmelažži.

Mutto almaka læ aibas visses, atte skuvllaolmai læ ain gaibadusai ja noadotæggi bæle, ja læ buoiddoduvvum dam laibes, mi pantemin læ battijuvvum vaivvas ja oarbes barggo olbma gares.

Mutto jos oaivvel læ dam savaldagast vare Sabmelaš stuoradiggai, dušše dat, vai Same našson aleduvvusi, de læ gal dalle dat aibas ruovto; mutto i dušše fal dat, mutto vel berre læt Same garvoi siste; dastgo Sabmelaš stuoradiggest Dača biktasid siste læ našson duššadægje; dastgo manga čuottasaš fuobmasæmek čajetek dam, atte hættet su ječas našson viero, vugid ja biktasid dafhost, læ dat vuostas lavkke našson duššadubmai. Mon jurdašam, jos boadašegje guokte Sabmelaža oktan stuoradiggai, nubbe Dača biktasid siste ja nubbe fast Same biktasid siste, de daidaši gonagas oktan rađdetusaines gæččat stuora čalmiguim dam Sabmelaža ala, gutte læ su ječas našson biktasid siste, ja vela imaštallamin jurddelet, na, duot han mai gal i læk læikastadde.

1. Mutto mi berrep fal muittet allelassi, atte gaskastæmek i galga gavdnut parti daihe našson vašše; dastgo jogo olgiš daihe gurot bæle našson i mavse maidege; mutto gi ikkenassi læ vuoiggadlaš læ maidai dokkalaš.

2. I gonagasa daihe ammat vašše gavdnut galga. Daida gulla gudne ja goarggo, dastgo ammat læ hærras; mutto duođalaš vašše storkar vuigni ja hærravutti, dastgo dat læ boattam bærgalagast ja mailmest.

3. I maidai visesvuoda alage æne-

mus gæccat, dastgo mi diettep, atte stuoradiggest læ visesvuotta nokka; mutto dobbe æi læk ovtagærddan olbmuk. I maidai vuolleges sædo daihe fuones biktasid daffhost galga oktage hilggjuvvut, dastgo dat i billed. Jos vela min gonagas su radđetusaines datoši jærrat: Mu rakis Sabmelaš daihe gi læža, manne læk don duogņas gaffin? Na havske han dasa læ gudnalašvuodain vastedet: Armolaš gonagas ja allaget gudnejattum radđetus. Pantijægjek læk pantemin valddam dam buoreb. Statai, kommunai daihe velgi sisa boatton.

Noadđeguodde vieljak, jos min doivvomek galgga juksat, maid dat sifte, de berrep veltadet ječaidæmek erit sist, guđek ulloiguim læk garvotuvvum, ja borrek mi buoidde læ. Dam sagjai berrep mi occat stuoradiggai sin gaskast, guđek hurves biktasiguim vazzek ja borrek mi ruoinas læ. Daggaraža, gutte aiggo læt stuoradiggeolmajen oamedovdo diti æmbo go gudne ja ruđa. Dastgo aido dat, gutte ješ læ rubmašes alde guoddam nođid ja burist persijuvvum, son læ aido dat, gutte matta čierrom jienas bajedet, ja havides ravastet visai ja doaktari ouddi. Son læ dat, gutte datto dai mañest čuovvo gaibadusiguim ouddanboatton.

1. — — — — — \*)
2. Ammat klasas  $\frac{1}{3}$  uceduvvut.
3. Ammatolbmai balkka gæppeduvvut.
4. Dat 5 milasaš pensionat bælle erit.
5. Pensiona i galga oktage oazžot, gutte baha nama vuolde occa erit ammatest.
6. Luossa laka nubbastuvvut buok 6 arga bæive lovalaš aiggen.
7. Rangaštus dam sæmma luossa laga rikkosin uceduvvut, amas gudnalaš barggo-olmai šaddat doarradallut dampai ja vadnasiguim, ja nuft hettejuvvut barggamest dam bale goas læ daina juoga fidnet ja goas maidai sikke oaidna ja bivva barggat. Amasek luossabivddek šaddat opsyna balkatet mendo divrraset, maid si ječa šaddek makset. Obba rikast jakkasažat maksujuvvu arvo mielde 3—40, 000 kruvna, amas gudnalaš barggo-olmai šaddat bigjuvvut giddagasa

\*) Vuostas paragrafa ferttep mædda mannat, go æp oazžo dast sælve.

Prentejægje.

seini gaski, ja dobbe vanhurskes njalmin værredakke laibe borrat 8 daihe 20 bæive. Jurdaš duođalažat, maid maksa luossa laka barggo-olbmai.

Go mon dal jurdašam daid æska namatuvvum bittai ala, de orro dego spidemen mu nakke ja boaldde- men siskelusaid. Ouddamærka diti bisma balkka læ jakkasažat 10 daihe 11000 kruvna, dasa vela boatta dat mittednættom pension. Jurdaš, jurdaš dadde bisma, go don valdak stata lađes gieđast dai ruđaid, gost dak læk vuolggam, man lakai ja maggar mielain læk manga gærde baccam si, gæina dak læ valddum.

Mutto mi læ barggo-olbma pension, noadđeguodde? vaiko barggo-olmai læ varjalam lavkides vanhurskesvuodain, ja læ oaffaruššan hæggas ja varaides, dalos bajas doalatussan nuftgo buorre ačče, stati sisaboaton, nuftgo rika oskaldas vuolebuš, kristalašvutti viddedæbmen, nuftgo kristalaš, vaivaš ja oarbes manaidi jeđdetussan, nuftgo vaimolađes j. n. v. Mutto go son boarasuvva, æige læk manak, gæk adnek morraš, de læ su pension pine čađa vakkost, vaivaškasast viekko bælle jafhok ja 2 kg. guovte jakkasaš salte sildek.

Buorre lifči galle, jos dam rajest boadašegje æmbo ja æmbo barggo klasas stuoradiggai. Vaiko gal jakkemest læ, atte gutte daggar gaibadusain boatta ouddan, maid mon læm ouddan doallam, atte duođairak i havske læk juokke aige stuoradiggest. Dastgo jos galgga sardnot oamedovdo mielde, de čuožzelek olbmuk vuostai, daihe jos oamedovdo vuostai, de čuožzel oamedovdo.

Bargek ovtamielalašvuodast alma mange erutusa dagakættai, Sani, Dačai ja Ladi gaski, barggat čallemin ja sardnomin obba rika mietta darroi ja Sabmai, nuft atte galgga gullut ja ollet gidda Kristianiai, atte oazžot barggo sædo stuoradiggai, nu ædnag go vejolaš. Vare dam valgast valljuvvusegje 50 noadđeguodde. Jos daina æska namatuvvum aššin i barguš mikkege, de dakka dalle ovta noadđeguoddi.

Vestertanen  $\frac{6}{10}$  06.

J. Samuelsen.

## Brævva Buolmagest.

Bivddam saji dam moadde sad-

nai »Nuorttanastai.«

Muittaledinam moadde sane luossa bivdo birra min gieđast, mi dal æska læ gieskad alggam. Dal bivdujuvvu ænemusta dušše golggademin. Soabmasak æi læk vela fidnim dam mađe, atte lifči muosatam, mutto muttomak læk fidnim obba burist, erinoamačēt okta javalaš nuorra virkus olmai, Samuel Henriksen Aleknjargast. Muittaluvvu, atte son læ juo fidnim dam ragjai 17—20 rajai luosa ja jos dak læk buore stuora luosak, de boat- ta arvad rutta, uccemussan kr. 200,00

Mi læp oaidnam »Sagai Muittalægjest« atte Sabmelaš berriši stuoradiggai valljuvvut boatte vælgast. Min oaivvel læ dabe Buolmagest maidai sæmma; mutto eisigin i mange lakkai æra go Unjarga nyorra lukkar Isak Saba, dastgo son læ burist oappam, ja jierbmalaš olmai. Min arv- vadusa mielde i gavdnu æra sabmelaš Buolmagest, Unjargast, Garasjogast ja Tanast, gutte mattaši læt dam fidnai dokkalaš. Jus dokko lifči valljuvvut æra sabmelaš, de son šaddaši ald- sesis ja obba sabmelaš sakkagoddi hæppadin. Gal Isak Sabast læ nokka sikke vuoinalaš ja mailmalaš dietto, ige læk eisevaldest ige almugest sivatallujuvvum ja bagjelgeččujuvvum Dærvuođak blađe lokkidi.

Buolmagest 10—6—06.

## Moadde sane jallas osko čallagi.

Bivdam monge moadde sadnai saje »Nuorttanastest« čalestam diti vebaš dam jallas osko čalle birra. Mon læm lakkam mannam jage loapagæče nummaren Nuorttanastest jal- las osko birra, ja læm oaidnam, moft dat olmai arvostalla læstadialaš kristalaš-vuoda. Mon šaddim jurdaset: Go dadde galgga læt olmuš nuft čuovgatæbme, atte dam bajasčuvvggijuvvum aigest algga kristalaš moridusa birra nuft čallet aido dego daina oaivvelin, atte son okto dietta dam birra sagai, ige oktage æra, ja nuftgo dat, i lifči æra sajin dovdjuvvum go Dænodagast. Mon jurdašim, atte galle dat lifči vuogas vastedet dam čallagi. Mutto jurdašim fast, atte gæst juo læš dærvvas luondo jierbmege, de juo oaidna, atte dam olbmast læ vašše ælle kristalašvutti.

John Samuelson mon læm dovd-  
dam juo lakka 30 jage. Alggobalid,  
go dat kristalášvuotta bođi Tana gild-  
di, manai dat ædnag olbmui vaimoi  
čáda, nuftgo kristaláš guoratallamuš  
čájeta buok mailme aigin, atte æmbo  
læk dak olbmuk, guđek vebaš læk  
morranam, go dak, guđek læk ælle  
oskoi boattam ja dam siste alggam  
gilvotallat ja bissom loapa ragjai.  
Nuft læi maidai John Samuelson dam  
alggo morranæme aige vebaš hælke-  
tam; mutto ješvisesvuotta ja ješvan-  
hurskesvuotta læ oamedovdo havid  
dalkastam, nuft atte sust dal læ buor-  
re oamedovdo rafhe. nuftgo son ješ  
dam rameda, ja son læ dasto dam  
ješvanhurskesvuoda sægotusa viggam  
gavpašet juo goitogen 30 jage baikid,  
i sevdnjis mailbmai, mutto daidi, gu-  
đek Jesus nama dovdastek ja oskok  
suddoidæsek andagassi. Son læ galle  
læmaš nuft fines, atte son læ — ænaš  
guovtagaskan — haladam ovtagærd-  
dan sieloiguim. Mutto dal læ son  
nuft jalosmuvvam, atte son bigja læ-  
stadialaš kristalášvuoda buok hirbmad-  
læmus varre osko-čærdai baldi, mi  
nuorttaædnamin læ duššadam nuft  
ædnag kristaláš særvvegoddid, atte  
daina šat æi luodakge vutto. Vaiko  
mon im nuft adde atte dat læ læsta-  
dialaš kristalášvuotta; mutto dat læ  
dat sæmma kristalášvuotta ja oappa,  
maid profetak, apostalak ja evangelis-  
tak læk sardnedam.

Ja John Samuelson laitta Væsta-  
finmarko olbma, gæn son namata  
čæppes divodægjen ja laitta givesvuo-  
đast ja hoppoivuodast ja boasto addi-  
jumeš. Mutto mon cælkam, atte  
dat olmai læ addim burist ja vaste-  
dam vanhurskasat, ja mon jakam, at-  
te gavdnujek vela duhati mielde dak  
olbmak, gæina læ sæmma addijubme,  
ja gæk dammađe læk Ibmel sadnai  
nanosmuvvam, atte æi jallas osko  
sardnedægje mielde čuovvol; dastgo  
si dovddek, gosa dam čallag vuoignæ  
viggata.

Dærvuođak must buok «Nuortta-  
naste» lokkedi.

Holmsundast 20ad juni 1906.

Erik Isaksen.

### Profosor Ihlen.

Dr Ihlen læ namatuvvum profesor  
theologiast Kristiania universitetast.

## Doala „Nuorttanaste!“

### Gonagas Oscar

galgga dal læt hæjot buoccamen. Son  
læ gukka juo læmaš Tuisklandast, ja  
telegramak dobbe muittalek, atte son  
i daide šat čuožžælet bajaš. Su davd-  
da galgga læ vaibmovikke ja vel mut-  
tom lagan æra davdda. Gonagas Os-  
car læge dal boares olmai, son læ rie-  
gadam jagest 1829 dam 21ad januar.  
Son læ læmaš okta jierbmalaš ja raf-  
halaš radđægje, dat lekus celkkujuv-  
vum sudnji gudnem.

### Vebaš Guovddagæinost.

Mon maidai čalam »Nuorttanas-  
tai« stuoradiggeolbma birra, go læm  
gullam, gæn dal sidašegje stuoradig-  
gai valljit, ja læm gullam, atte dak  
vises olbmak arvvalæk, atte galgaši  
Sabmelaš. Mi Guovddagæino olbmuk  
æp dieđe gal stemmit ærago dam ala,  
gæn mi dovdap ja diettet min suok-  
kanest, namalassi Mikkel Josefsen  
Nækkela, ja varreolmajen Garašjogast  
Josef Isaksen, gæn mon dovdam hui  
burist, mi læ maidai čielgga Sabme-  
laš, ja gi dietta sikke boaco olbmui,  
dalo olbmui ja mærragadde olbmui  
birra. Ige dal oro riftes Sabmelašžan  
daggar, mi i matte darogiela, ja mi  
ferte dulka adnet, go læ Dačai siste,  
ja damditi mon mæredam Josef Isak-  
sen varreolmajen, dainago son læ hui  
čielgas darogiela sardnok. Son galle  
læ maidai vises ja geinolaš olmai, ja  
dat Guovddagæino olmai, Mikkel  
Nækkela, son galle læ buok buoremus  
duoddar Sabmelašai bælest, ja gutte  
maidai matta hui burist sikke jørrat  
ja vastedet.

Čalla okta Guovddagæino olmai.

### Dat »Nuorttanaste« nummar

šaddai agjanet gukka, sivvan dasa læ,  
atte mist læk læmaš ollo æra dakka-  
mušak. Dat nummar prentijuvvu æs-  
ka 26ad bæive juni manost.

### Min gonagas kruvneduvvui

dam 22ad juni. Mietta min ædnam  
legje dam bæive buok plævgak gessu-  
juvvum staggoidi. Dat læi vuotenon  
Norga rika illobæivve. Dat læi loapa-  
tæbme dam stuora bargost, mi man-  
nam jage dakkujuvvui — namalassi  
min eritsirrijubme Ruodarikast. Boat-  
te nummarest muittalet mi æmbo  
kruvnedæme birra.

### Olgusvagjulus

min ædnamst dai stuoremus hamani

bagjel januar manost marsa mano  
loppi dam jege læi 4949 darolaš olb-  
mu, dinag olgusvulgge sæmma aigest  
5954 darolaža.

### Stuora buollem

læ læmaš Lillestrømmenest lakka  
Kristiania. Arvo mielde læk 60 viste  
vuolas buollam. Čacce časkadet dam  
buollem i læm dallanaga oazžomest,  
damditi bæsaï dolla nuft ollo vidanet.  
Mannel go vække bođi Kristianiast,  
de ožžu dam dola časkaduvvut.

### Fuobma dam ja bija muittoi!

Brevak »Nuorttanast« doimatus-  
si, mak æi læk dinggombrevak, æi  
mana poasta mielde mavsekætta. Mi  
læp dam ouddal juo dieđetam; mutto  
almaken læk muttomak, guđek sadde-  
jek bittaid, mak galggek blađe sisa  
valddujuvvut mavsekætta, ja mi fert-  
tep daid dabe lodnot guvtin-log' ø-  
rain. Fria poastast i mana ærago ding-  
gom brævak, go daidi i čallu mik-  
kege æra go dat, mi blađe dinggomi  
gulla. Mutto jos nummarak vilok,  
ja dam birra čallujuvvu, de daggar  
brævak galle maidai mannek fria  
poastast.

### Čoaska gidđa

læ dam ragjai læmaš dabe goit Nord-  
landast. Miccamarak læk juo man-  
nam; mutto rassešaddo orro fuodnin  
čajetæme, ja potetosbældok æi læk  
ittam æi algage.

### Ruošarikast

ain læk rafhetesvuodak. Muttom bai-  
kest Kutois lakka streikijek 20,000  
bargge, ja Kiewast muittaluvvu, atte  
3 jernbanaolbma, gæina legje 3 čuo-  
đe duhat rubel, fallituvvujegje værjo-  
duvvum olbmain. Dam riddost, mi  
dast šaddai bæčëjuvvujegje 12 skuo-  
ta, ja okta ruovddemađe olbmain  
sorbmiuvvui ja nubbe sarjaduvvui.  
Rievvarak besse batarussi.

### Min gonagas

læ skenkkim kr. 500,00 vaivašidi  
Troandemest.

### Finmarko-bivddo

læ dal loappam, ja bivddek læk si-  
daidi manadešgoattam. Bivddo galgga  
læt mannam mælgad muddoi burist,  
arvo mielde læ dobbe dam jage fid-  
nejuvvun. 200—300 kr. olbma oassai.

»Nuorttanaste« čalle, prentægje ja olgusad-  
de læ G. F. Lund, Sigerfjord, Vesteraalen.